



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413
fax. +387 33 726 423
e – mail: info@voda.ba

Broj: **UP-1/21-2-40-484-2/24**

Datum: **18.09.2024. godine**

«Agencija za vodno područje rijeke Save» Sarajevo rješavajući po zahtjevu Grada Goražde za izdavanje vodne saglasnosti za aktivnost čišćenja uređenog korita rijeke Drine, na lokalitetu uzvodno od mosta Alije Izetbegovića, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **d o n o s i**

RJEŠENJE **o vodnoj saglasnosti**

1. Podnosiocu zahtjeva, Gradu Goražde, daje se vodna saglasnost za čišćenje uređenog korita rijeke Drine, na lokalitetu uzvodno od mosta Alije Izetbegovića, u dužini 150m na dionici od P1 do P4, na području grada Goražde, po projektnoj dokumentaciji pod nazivom:
„Elaborat: čišćenje naplavina iz korita rijeke drine na području Goražda“, urađen od strane „HIGRACON“ d.o.o. Sarajevo, decembar 2023. godine.
2. Vodna saglasnost se donosi na osnovu pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljena projektna dokumentacija, za dionicu P1-P4, je urađena u skladu sa osnovnim uslovima iz Rješenja o prethodnoj vodnoj saglasnosti broj: UP-1/21-1-40-343-5/24 od 22.08.2024. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Radove na čišćenju korita rijeke Drine vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Prije početka radova potrebno je obnoviti oznake poprečnih profila koje moraju biti jasno vidljive i rukovaocu mehanizacije koja će se koristiti, a i u cilju lakše kontrole izvršenih radova. Dionice na kojima se vrši čišćenje korita obavezno iskolčiti i iskolčavanje održavati tokom vršenja svih radova.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, dnevno izvađenim količinama materijala i svim ostalim podacima koji se uobičajeno vode kod ovakve vrste radova.
 - 3.4. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem planiranih aktivnosti na terenu u skladu sa ovjerenim Elaboratom i uslovima iz ovog rješenja.
 - 3.5. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.7. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.8. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.

- 3.10. Sve eventualne kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji se može pojaviti kod čišćenja korita rijeke Drine i čije količine su utvrđene u predmjeru radova iz Elaborata, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine FBiH», broj 58/15).
 5. Ukoliko se izvođenjem radova na čišćenju korita rijeke Drine na predmetnoj dionici ili drugim aktivnostima vezanim za predmetne radove prouzrokuju štete i naruši stabilnost korita i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
 6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. Investitor (korisnik vodne saglasnosti) ostaje u obavezi, kada period izvođenja radova bude tačno preciziran, obavijestiti udruženje sportskih ribolovaca „Goražde“, koje je korisnik ribolovnog prava na ovom ribolovnom području, o početku izvođenja radova u koritu rijeke Drine na predmetnoj lokaciji.
 8. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 9. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
 10. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Podnosioc zahtjeva, Grad Goražde se dana 13.09.2024. godine, aktom broj: 04-1-19-2-454 od 06.09.2024. godine, obratio ovoj Agenciji za izdavanje vodne saglasnosti na projektnu dokumentaciju „Elaborat: čišćenje naplavina iz korita rijeke Drine na području Goražda“, urađen od strane „HIGRACON“ d.o.o. Sarajevo, decembar 2023. godine, za dionicu od P1 do P4, u dužini 150m.

Uz zahtjev za izdavanje vodne saglasnosti dostavljena je slijedeća dokumentacija:

- Ovjerena kopija Uvjerenja o poreznoj registraciji «GRADONAČELNIK IZVRŠNI ORGAN GRADA GORAŽDA» od 24.08.2017.godine, izdatog od strane Porezne uprave – Kantonalni ured Goražde,
- Kopija rješenja o urbanističkoj saglasnosti broj: 04-4-19-2-454/24 od 28.08.2024. godine, Služba za urbanizam, prostorno uređenje i komunalne poslove,
- Saglasnost udruženja sportskih ribolovaca „Goražde“, broj: 49-5-38/24 od 04.09.2024. godine na termin provođenja radova čišćenja korita (kopija),
- Dostavljanje podataka o mjestu ugradnje izvađenog materijala broj: 04-1-19-2-454 od 06.09.2024. godine, Služba za urbanizam, prostorno uređenje i komunalne poslove;
- Zemljišnoknjižni izvadak broj: 045-0-NAR-24-003 829 i 045-0-NAR-24-003 830, K.O. Goražde I, Općinski sud u Goraždu 02.09.2024. godine,
- Elaborat: „Čišćenje naplavina iz korita rijeke Drine na području Goražda“, urađen od strane „HIGRACON“ d.o.o. Sarajevo, decembar 2023. godine.

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za predmetno čišćenje i sanaciju korita rijeke Drine angažirao projektnu kuću „HIGRACON“ d.o.o. Sarajevo, koja je uradila Elaborat: „Čišćenje naplavina iz korita rijeke drine na području Goražda“, decembar 2023. godine. Navedena projektna kuća posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).

- Da je od strane ove Agencije, rješenjem broj UP-1/21-1-40-343-5/24 od 22.08.2024. godine, izdata prethodna voda saglasnost za dionicu P1-P4 u kojoj su propisani uslovi koje je projektant prilikom izrade projektno dokumentacije uvažio i u istoj priložio opise i nacрте uobičajene za ovaj nivo projektno dokumentacije:
 - o Preglednu i detaljnu situaciju projektnog rješenja za planirane radove razmjere 1:2500 i 1:1000, sa pozicijom planiranih radova čišćenja korita. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:200 za svaku pojedinačnu lokaciju;
 - o U sklopu Elaborata, obrađeno je rješenje čišćenja korita koje podrazumijeva sječu šiblja i niskog rastinja i formiranje proticajnog profila vodotoka koji se optimalno uklapa u regulisano stanje korita.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

Prilog: Ovjeren Elaborat za dionicu P1-P4: „Čišćenje naplavina iz korita rijeke Drine na području Goražda”, urađen od strane „HIGRACON” d.o.o. Sarajevo, decembar 2023. godine.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- Grad Goražde, ul. Maršala Tita br.2, 73000 Goražde (Prilog)
- o AVP Sava, ISV – Vodna knjiga
- Sektor 40, arhiva
- oglasna ploča AVP – Sava